



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

Humanæ salutis Monumenta, & Odæ variæ

Arias Montano, Benito

Antverpiæ, 1589

In loelem Hymnus ex voto.

urn:nbn:de:hbz:466:1-44973

Quidquid infrenis petit aut voluptas,
Vana spes, menda honor, & cupido
Suadet habendi.

Tuque Laurenti decus o canendum
Hesperis altum medios per ignes
Qui petis cælum populo stupente &
Iudice sauo,

Nunc in excelsa spatiaris aura,
Igne nunc felix recrearis almo,
Vnde sunt vitæ ac aliena tristi
Munera letho.

Nos tuis præsens precibus iuuato,
Si tibi nostri placuere nuper
(Hosseæ vatis colo dum sacerdos
Dieta) labores.

In Ioelem Hymnus ex voto.

D Escende cælo, & curribus igneis
Vatem remotis nubibus o tuum
Vulgo procul raptum prophano
Spiritus alme supra polum fer.

Qui regna puri fulgida temperas
Cæli, & beatas luce fouens domos
Fluctus maris compescis, almum
Dasque diem recreator orbi,
Orbem regentis tu sapientiae

Consultus almis vatibus intima
Comititis arcana, & futuris
Temporibus facis interesse.

Felix & ampla forte beator,
Quem tu docendum suscipis, altaque ad
Decreta, diuinaque leges
Assidue meditanda tollis.

Illi sacrarum mystica mentium &
Natura rerum tota subest, neque
Intacta vis later profundi; hic
Cuncta oculis animoque lustrat.

Jam quæ sit orbis cursibus aut via
Calcanda, rerum aut quis pateat status,
Quid voluat axis, quod serenum,
Quæve homines maneat procella,

Discernit.

Discernit, omnes præuillet eminus
 Causas, & omne id quod paret impiis.
 Diuina vis, quæ misceantur
 Pocula gentibus ebibenda.
Non regna fluxæ continuant opes,
 Non cura, duri militis aut labor.
 Immensus argenteive acerius,
 Nec populi numero carentes:
Sed mens probati consilij potens,
 Et vita puris prædicta moribus,
 Legumque sacrorumque cura,
 Auxilioque Deus benigno.
Namque ille summo præcipites gradu
 Vindex tyrannos fulmine delicit,
 Sedesque deturbat superbas,
 Et Stygiis tenebris recondit:
Präfens vel imo sumere de loco
 Cui credat altè sceptræ nitentia,
 Mutu ducem armenti gregisve
 Tollere nobilibus triumphis.
Hic regna tandem, hic perpetuum decus,
 Hic hinc beatis imperiis frui,
 Hic pace gaudere, & quietas
 Divitias datur obtinere;
Si quis minister dicitur impiger
 Seruire ritè numinis in domo
 Charus Deo, & dignus diserto
 Iudicio superum probari.

In Amos Carmen ex voto.

Consuetis iuuat & modis,
 Et mixto fidibus carmine reddere
 Votuum superis sacrum:
 Quale & Iefsiadæ barbitos aurea
 Bethlehhmi sonuit iugis,
 Perinulcens numeris pectora dulcibus,
 Platans & patrium Deum,
 Atque in vota magis vocibus aduocans,
 Quam si quotquot eunt dies,
 Cultros aut vituli sanguine bimuli,
 Aut centum imbueret capris,
 Aris multa ferens thura calentibus:

Nam